

64

4. júní

## S A M Þ Y K K T

## um sveitarstjóra í Patrekshreppi, V.-Barðastrandarsýslu.

## 1. gr.

Hreppsnefnd kýs sveitarstjóra eftir hverjar almennar hreppsnefndarkosningar, og er kjörtímabil hans hið sama og kjörtímabil hreppsnefndar.

## 2. gr.

Sveitarstjóri á sæti á fundum hreppsnefndar og hefur óbundið málfrelsi og tilögurétt, en atkvæðisrétt hefur hann því aðeins, að hann sé hreppsnefndarmaður.

## 3. gr.

Sveitarstjóri hefur á hendi framkvæmd ákvarðana þeirra, sem hreppsnefnd gerir og hreppsmála yfirleitt. Hann sér um að öll störf, sem nefndin á að annast um, séu tilhlýðilega unnin. Hann annast innheimtu á tekjum hreppssjóðs og fyrirtækja hans án sérstakrar þóknunar. Hann er féhirðir hreppsnefndar og reikningshaldari, semur allar skýrslur hennar og reikninga, annast bókun alla og bréfaviðskipti. Hann geymir bækur nefndarinnar, innstæðufé hreppsins, verðbréf og öll önnur skjöl og hvað annað, sem hreppnum tilheyrir og hreppsnefndin á að bera ábyrgð á.

Í forföllum sveitarstjóra skal oddviti annast störf hans.

## 4. gr.

Sveitarstjóri setur þá tryggingu, sem hreppsnefnd ákveður, fyrir innheimtum þeim, sem hann hefur á hendi, sbr. 3. gr.

## 5. gr.

Laun sveitarstjóra skulu ákveðin í ráðningarsamningi þeim, sem um getur í 6. gr. og greiðast þau úr sveitarsjóði.

## 6. gr.

Oddviti skal fyrir hönd hreppsnefndar gera ráðningarsamning við sveitarstjóra, eftir að ráðning hans hefur verið samþykkt af hreppsnefnd og skal þar nánar kveðið á um kjör hans, orlof, skrifstofutíma, lífeyri og annað það, sem rétt þykir að taka fram af því tilefni, enda skal ráðningarsamningur vera samþykktur af hreppsnefnd. Uppsagnarfrestur af hendi hvers aðila skal vera 6 mánuðir.

## 7. gr.

Nú verður sveitarstjóri sekur um stórfellda og ítrekaða vanrækslu eða hirðuleysi í starfi sínu og skeytir ekki áminningum hreppsnefndar, getur hún þá með fundarsamþykkt vikið honum frá störfum, en tilkynna skal félagsmálaráðuneytinu þegar frávikninguna. Oddviti tekur þá við starfi sveitarstjóra og gegnir því, unz sveitarstjóri hefur verið ráðinn að nýju.

Samþykkt þessi, sem hreppsnefnd Patrekshrepps hefur samið og samþykkt, samkv. lögum nr. 19 frá 1951, um sveitarstjóra, staðfestist hér með til að öðlast gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 4. júní 1959.*

**Friðjón Skarphéðinsson.**

*Hjálmar Vilhjálmsson.*

## REGLUGERÐ

65

6. júní

### um rekstur sölubúða á Keflavíkurflugvelli á vegum ríkisins.

#### 1. gr.

Settar skulu á fót sölubúðir á Keflavíkurflugvelli, er selja vörur eingöngu til flugvélaáhafna og farþega með flugvélum þeim, er um flugvöllinn fara í millilandaflugi. Nafn sölubúðanna skal vera: Frihöfnin, Keflavíkurflugvelli.

Í Frihöfninni má selja hvers konar varning, eins og tíðkast í frihöfnum erlendis.

#### 2. gr.

Frihöfninni skal stjórnað af frihafnarstjóra, sem utanríkisráðherra skipar, og ber hann ábyrgð á rekstri hennar undir yfirstjórn utanríkisráðherra.

Annað starfslið, sem nauðsynlega þarf við daglegan rekstur Frihafnarinnar, skal frihafnarstjóri ráða að fengnu samþykki utanríkisráðherra.

#### 3. gr.

Þegar kaupanda hafa verið afhentar söluvörur skal tollgæzlan á Keflavíkurflugvelli sjá um og bera ábyrgð á að gætt sé nauðsynlegra varúðarráðstafana, unz farþegar og áhafnir eru komnar um borð í flugvél þá, er flytur þá úr landi.

Einnig skal tollgæzlan hafa eftirlit með sölu Frihafnarinnar á varningi um borð í flugvélum og fylgjast með flutningi varnings, sem keyptur er í Frihöfninni, út í flugvélar og bera ábyrgð á þeim flutningum.

#### 4. gr.

Frihöfnin fær, unz annað kann að verða ákveðið, til umráða í gistihúsinu á Keflavíkurflugvelli húsnæði fyrir skrifstofu og sölubúðir ásamt birgðageymslum, eftir því sem mögulegt er og reksturinn krefst á hverjum tíma.

Skal því þannig fyrir komið að auðvelt sé að innsigla dyr og skal frihafnarstjóri einn hafa lykla að þeim.

#### 5. gr.

Frihafnarstjóri skal halda nákvæma skrá (birgðabók) um allar vörur, sem fluttar eru tollfrjálst til Frihafnarinnar.

Skal skráin þannig gerð að sjá megi glögglega hverjar tegundir varnings eru þangað fluttar og hve mikið af hverri um sig.

Þegar vörur eru þannig sendar án tollgjalda til Frihafnarinnar skal fylgja þeim nákvæm skýrsla til tollgæzlunnar á Keflavíkurflugvelli, þar sem tilgreint er hvaða vörur um er að ræða í hverri sendingu, og skal tollgæzlan bera ábyrgð á flutningi þessa varnings inn á flugvallarsvæðið og hafa eftirlit með því að vörur þessar séu fluttar til Frihafnarinnar.

#### 6. gr.

Tóbaksvörur skal Tóbakseinkasala ríkisins selja Frihöfninni á kostnaðarverði.

#### 7. gr.

Útsölu Frihafnarinnar skal skipt í sölubúðir, eftir því sem bezt hentar rekstrinum að dómi Frihafnarstjóra og að fengnu samþykki utanríkisráðherra. Skal Frihafnarstjóri sjá um rekstur þeirra. Þó skal Áfengisverzlun ríkisins reka þá sölubúð Frihafnarinnar, sem selur áfengi undir yfirstjórn utanríkisráðherra.

65

6. júní

8. gr.

Skylt er farþegum að sýna í Fríhöfninni farseðil sinn eða önnur skilríki, er sanna heimildir þeirra til að verzla þar, áður en viðskipti hefjast, og er öllum öðrum óviðkomandi bannaður aðgangur.

Áhöfn flugvélar sýni vottorð flugstjóra.

9. gr.

Útfylla skal í þríriti afgreiðsluseðil fyrir hvern þann, sem viðskipti á í Fríhöfninni.

Skal þar greina:

- a) nafn kaupanda,
- b) ákvörðunarstað,
- c) númer flugferðar,
- d) vörutegund, sem keypt er,
- e) í hvaða gjaldeyri er greitt og hve mikið.

Viðtakandi kvittar á öll eintökin. Að því búnu skulu vörurnar settar í þar til gerðar umbúðir, er beri áletranirnar: Fríhöfnin — Keflavíkurflugvelli, Duty free store — Keflavík Airport.

Síðan skal innsigli Fríhafnarinnar sett á böggulinn og eitt eintak afgreiðsluseðilsins afhent kaupanda, annað eintak fær tollgæzlan en hinu þriðja heldur Fríhöfnin.

10. gr.

Vörur úr Fríhöfninni má aðeins selja gegn greiðslu í erlendum gjaldeyri.

11. gr.

Ef flugvél er komin af stað frá flugvellingum, en verður af einhverjum orsökum að snúa aftur, skulu tollgæzlumenn taka í sínar vörzlur vörur, sem keyptar hafa verið í Fríhöfninni eða gæta þess að ekki sé farið með þær út úr flugvélinni, þar til hún býzt til brottfarar af flugvellingum að nýju.

12. gr.

Birgðir Fríhafnarinnar skal telja svo oft, sem ástæða er til og eigi sjaldnar en hálfsmánaðarlega og bornar saman við birgðabók og afgreiðsluseðla.

Komi fram birgðavöntun skal þegar í stað tilkynna það utanríkisráðherra og tollgæzlunni á Keflavíkurflugvelli.

13. gr.

Skrifstofa fríhafnarstjóra hefur á hendi allt bókhald vegna Fríhafnarinnar að undanteknu bókhaldi sölubúðar þeirra, sem Áfengisverzlun ríkisins rekur undir yfirstjórn utanríkisráðherra.

Hver sölubúð hefur aðskilinn fjárhag. Utanríkisráðherra setur nánari reglur um þátttöku hverrar sölubúðar um sig í sameiginlegum kostnaði svo sem skrifstofuhaldi o. fl.

Fríhafnarstjóri útbýr verðlista um hverja einstaka vörutegund í samráði við utanríkisráðherra.

14. gr.

Fríhafnarstjóri og Áfengisverzlun ríkisins skulu árlega senda utanríkisráðherra sérstaka áætlun ásamt greinargerð um tekjur og gjöld Fríhafnarinnar til afnota við samningu fjárlaga.

Skal fríhafnarstjóri gæta þess vandlega, að útgjöld á fjárhagsáætlun Fríhafnarinnar fari ekki fram úr fjárlögum.